

敬止錄

第十冊

永

止

錄

卷

十

四

敬止錄卷

隱學高字泰纂

山川考六橋

鄞江橋 西南五十里

百梁橋 西南五十里

寶慶志作小溪江橋元豐元年建長二十有二丈濶二丈四尺而為屋於其上計二十二楹七洞每洞十四梁中洞十六梁紹興十五年邑人朱世彌世則重建唐昌言為之記

記曰唐中宗神龍元年乙巳章景駿宰廣平郡屬邑勾章邑治之北瀕江連年漂溢居民苦之景駿乃相地勢以築堤坊維舟作梁

人不病涉後數年遷趙郡

即今台州廣平趙郡俱當考

長史道出舊治人爭奉

酒肴拜迎於旁間有兒童歡呼道路景駿恠問之方汝未生吾已

去邑恩未及汝顧何以得此答曰父老常言學廬橋漳皆公之所

為人到於今受其賜我輩正欲識公也嗚呼景駿固知所以為政

也橋漳初建工不役鬼必在勞民物非天降終由地出愚民難與

瓶始猶使童叟感激遺愛靡忘矧興廢於灰燼之後不煩衆不斂

費成於一家而垂萬世之利其功更難於景駿遠矣四明山占鄞

之勾章岡嶺重腹萃嶺連空盤紆深險壤接會稽泉源所自出也

千巖萬壑晝夜爭流東注湍怒勢擊雷霆唐縣令王侯即山之麓

疊石以障水勢號它山堰其水旱則三分入江之分入河潦則反

是日堰距江綿數里南列市廛北立官鎮居多衣冠族人物繁庶
乃邑之一舉區也山水暴漲江濤怒浪舟楫難濟熙寧中里人朱
文偉慨然以為利涉大川必假橋梁於是捐己帑以經營之壘石
固堤跨以虹梁覆以華屋惜工未竟而沒焉龍圖俞侍制銘其墓
載始成往來之人莫不德之建炎初胡馬長驅燬於兵火越年久
官私睥睨而不敢舉以事重而費不貲也汴陽高公龍圖來宰斯
邑下車之初勤恤民隱究諸利病嘗歎是橋實為要津若廢而不
葺其如前人之功利何重慮勞民未輕興舉乃見鄉之耆老必勉
為之倡偉之孫世彌世則孝友篤學懷才抱志乃相謂曰我祖我
父首勸此橋今罹煨燼每一見之輒為痛心矧重煩邑大夫之激

勸其容已乎於是銳然鳩工度材一新舊制採山植柱作砥中流
設以巨板縱長二百八十尺橫廣二十四尺覆塋二十有二楹回
環櫺櫺對峙瓦甍類皆飛梁勁角布藻垂文費約二十餘萬緡以
紹興十有五年乙丑仲秋經始越季冬落成美哉輪奐長虹亘空
巨鯨駕浪規模洵宏遠矣時乃春濤麗日夏夕清風月白秋高雪
霽冬朗岸柳江楓燕鳬鴻鷺騷客吟誦高人眺聽不啻滕王高閣
也至乃車馬憧憧商族坦坦往來馳驟無舟楫波濤之險朱氏之
世德不綦普哉嗟夫父作室家厥於猶有弗肯堂構者又況祖父
之建立初非一身一家之利孰肯繼述於既廢之後乎亦可見仁
人孝子之用心矣然非賢邑令愷悌結人安能役民動衆使朱氏

兄弟傾囊倒廩以專任其責哉斯民惟恐高公指日踐揚清要以
失此遺愛爰欲擬像貌公立祠於亭朝夕瞻拜庶使百里之民歌
甘棠如曩日老稚復見韋君焉公聞而力拒之輿情終未已也昔
子產乘輿濟人孟子試其惠而不知為政則是橋之成非特朱氏
不忘祖德抑亦樂只君子得為政之先務也鎮官趙公權酷之暇
竭蹶從事宣力居多知所贊猷其宅心亦可尚已鄉之耆彥史樓
諸君屬昌言紀其盛績余聞而喜其累世之惠於人也故撫其實
而稱其相繼之休云

紹興十六年丙寅季冬郡士唐昌言記

添差監酒稅兼醋務庫趙鑄之

右廸功郎縣尉主管學事華樗

年成忠郎差監酒鹽稅兼烟大

公事李公愬

右廸功郎京縣

主簿管學事趙伯杲

右承議郎知縣主管學事魏行已

右朝

散大夫知縣主管學事勸農公事兼監市舶務主管大嵩鹽場賜

鮮魚袋高

堯明同立

重修鎮江百梁橋捨田疏

志存已於則述之克有其人功成於前則繼之爰固

於後是以志者不至於徒善或者不至於或墜永永無窮利濟衆矣茲鎮江百梁橋鄉以朱文偉肇創於熙寧男謚繼成逮建炎初燬於兵燹

郎世彌將仕郎^世則觀祖父之功利一旦廢墜不勝

致感發憤任勞其橋之形制縱橫功之勦贊姓名立石詳之已世則男修職郎昌時等蓋期永而利泉也非時葺而恒修焉稱繼述哉爰刮良田六十三畝於局命聖壽寺僧主之每秋歸祖作贍橋之費吁朱氏四世歷功於橋實德利濟非家之本固源深曷能得孝子慈孫嗣徽不替云時淳熙四年二月既望鄉貢進士林寔謹

識橋修於元至正甲辰四月明成化壬辰火重建隆慶庚午十一

月燬於火次年重建萬曆甲戌十月完工萬曆三十八年橋屋

類里人馬一中李子高請之知

府戴新僉報良民千四名重修

元貞橋有西南四十里元貞時置橋一名盛家渡橋

徐家渡橋里西南四十三口

東津浮橋靈橋門外

寶慶志云唐長慶二年刺史應彪置凡十六舟豆板其上長五十

五丈濶一丈四尺初置於東渡門外江濶水駛不克成乃徙今地

方經始時雲中有形如虹映其上衆咸異之初名橋曰靈現又曰

靈建以此也太和三年刺史李公文孺僖昭間刺史黃公晟皇朝

開寶中守錢公億乾道中守張公津慶元守林公大中嘉泰元年

守陳公 嘉定四年守程公準六年提刑程公覃攝守十六年守
趙公師岳皆乘其地而新之寶慶二年守胡公桀謂民已病涉凡
負橋之舟豆舟之板維舟之纜繫纜之徃皆一新之凡修置皆有
記今逸其碑維曾公從龍史公彌堅二記在焉 淳祐二年七月
圯於颶風制乎陳公塏又新之蓋自長慶迄於今凡幾建鳩工輯
材取辦屬邑橋成貫以巨纜砥於深淵風濤乘之脫落無策聽其
壞新造則經年不可辦公喟然顧僚屬曰以經營之不易聽蜚廉
之肆暴可乎吾昔游淮漢間有並五六十舟而可收于指顧之頃
者盡思其計徃徃一歲颶作有時由六月既望至九月既望間一
見之間暇則聯絡通徃來此時則卷而藏之取水軍脚船四濟行

者庶乎可久衆歡然曰令簡而易行橋可壽矣命幹幕林元晉路
分傳瑞倘董其概無事文移聽民就役厥材孔良閱四月事就揭
其約於靈濟菴俾後來有攷焉乾道圖經云開寶中康憲公錢億
新之舊有范的所撰碑後沈於江
而尚書謹溫其所
作碑亦不存也

王應麟記四明自唐長慶初遷州城於鄞城東門之外瀕江民病涉刺
史應彪始建浮橋有虹景見雲表即其地維舟隨潮汐上下故橋
以靈名其長為丈五十有五廣尋有六尺宋更名橋曰東津屢圯
屢修郡乘備焉由長慶癸卯迄今四百六十有九載橋之名雖存
舟漏木朽鐵繩斷竹索腐行人肩摩趨葦航以濟遲颺駭浪瞬息
淪為魚糜莫或省憂濟南陳公祥咨諏民瘼聞之嗟戚憚怛若已

納之講更舊圖經以身帥之牧守掾藩叶力競助士庶風動不約而從飭材庀工治舟易木鼓鐵為纜捷竹為竿規制鞏壯民不知勞昔之畏途今復康莊波臣受職罔敢昏墊漕艘琛舶輳集城下夸多瓶見仁人之利溥哉公猶為永久之慮擇民戶十有六家蠲徭役科條隸局任橋事未敝而修費約工省不止一時之謀而貽無窮之利仁心遠矣邦人訢訢謂行^惠政舉鄭子產有愧焉百世之澤也嘗讀易之中孚曰利涉大川乘木舟虛也蓋信發於中誠感於物上至誠以順於下下有孚以從其上惟悅而巽可以化邦可以濟險公之新斯橋也其得中孚之義乎造舟為梁岐周肇端富平成橋元凱垂績曰渭曰河非有江之險也江與海接至險不測

風濤震蕩鯨奔蛟潢是以橋難立而易圯君子欲保受民命興利
禦患推測隱之心克施有政作事於始必將為法於後使繼者皆
如始作之心朝計夕思日葺月繕用惠我無疆遺愛在民與江不
竭若洛陽橋大書深刻孰曰不宜乃識其事諭後人俾勿壞

劉仁本記

四明郡環郭皆水也水出自剡源合七十二溪會於奉川又

分而錯下其西南北流悉導治為河獨東滙鄞江以達於海者潮
汐吐吞橫亘其外郭甬東道故往來患涉焉按郡乘始有唐長慶
中刺史應彪度江廣以丈計之五十有五制十六舟舟連角板成
橋橋具而虹霓見衆咸異之因名為靈橋歷五代及宋屢圯屢建
歲月深而絙梁易於敗絕至有宋七八月間颶濤作遂卷而藏之

代濟以小航者率皆區畫無法制度非良詎可久計也當國朝至元間憲使陳祥又更治之遴編戶蠲徭俾而繕修久則並緣奸起故蠹者利其脫落終歲營造弗就輸役之祇困病行道之咨嗟興矣至正二十年中原亂作淮氛浸擾江浙省平章方公肅廷命統舟師方署鎮鄞時橋政久隳鄉父老有水濟川者若而人獻言於邑丞麻公直曰先是縣官賦未得三百二十有五石配徭戶受作子本計造橋直籍而餉之歲歲而葺之若暫宜之安知其久而不汨之也矧事未就緒而民罹供億日煩重力不逮矣今償來直願公為之計亟上其言於省省議避之謂可以利民者而病民乎遂檄郎中張啟原董治而俾丞釐正焉乃官出緡錢九百定有奇購

材召工訪台郡中津橋制每舟以二為偶肩連櫛比合為一扶中實以板凡為舟一十有八兵為扶偶者九鐵繩貫串組鉏岸泝淺纜相維杙捷江底欄楯之丹艸局鎖之堅固鳧翬蟬聯與波流上下頡頏仍籍丁夫二十有一人相之於是幢幢往來者履坦坦之康衢矣既而計餘鏹作二航以濟桃花渡之涉罄餘錢米買田得一百有五十畝城之士民率助者倍其冒數又規橋側靈濟廢寺畝一百六十有奇并其基址易構為橋局公解中建廳事四楹旁列倉庾八楹後為佛堂六楹舉其香燈命僧居之公為檢籍歲收子粒填其橐鑰專理橋務民勿再勞官無傍出經始於其年夏首竣役於秋八月既落成有衆歡然相與來告曰是橋自長慶迄茲

五百四十耆更歷世代作者屢矣而未有若今日之完美堅密且為永圖也官之利民厥功著矣願垂不朽託文剝石於戲剝木為舟造舟為梁詠於詩贊於易乘木舟虛利涉大川由誠感於物上下順從得中孚之利矣十一月徒杠成十二月與梁成王政繫焉今茲制度之謹貽謀之遠惟秦與有不可以方思矣然經理有良法而廢興存乎人人存則政舉亡則墮昔文公朱夫子任浙東常平使者視黃巖縣水利剏河閘買田莊為經久計行數百年而民獲其惠澤至正初黃巖貳官有作利涉橋於澄江而為募置田租以甦民力者今日湮沒河閘與之俱廢利涉則重因於民間租無有也豈不在人而不在法乎噫敢用書以勸於後之來者著之銘

曰維鄞海邦東阻於江莫予揭厲潮衝汐撞與梁有作作其舲艘
艤十有八挾彼兩虹屹然砥直如鼎力扛康衢九軌厥履孔楚四
民來往謹語笑嚬君子平政既仁且龐君子錫民福祿攸降祥虹
飛亘華表植雙後有作者視刻珉珏

陸瑜

寧波府四明故郡也鄞為附庸鉅邑雉堞宅廢中羣山拱其
外大江如帶環東郭曲折而北接舜江南注刻奉二川直郭之東
滙為三江口而達於海故鄞鮮淹溢之患漕艦琛舶輳集城下界
江東壤民物繁阜為津計者江通潮汐中激底澍非湮消可比惟
靈橋之制為便當刻風日晴霽橋行一覽恍然如在畫圖尤一郡
之勝也嘗考其制唐長慶初遷州於此刺史應彪因民病涉創舟